

國家圖書館藏歷史檔案文獻叢刊

北洋公牘類纂（正續編）

第7冊

全國圖書館文獻縮微復制中心

國家圖書館藏歷史檔案文獻叢刊

北洋公牘類纂 （正續編）

第 7 冊

全國圖書館文獻縮微複製中心

新學
社
PDG

目 録

第一册

出版説明	……………	(一)
目 録	……………	(三)
北洋公牘類纂序	……………	一
北洋公牘類纂目錄	……………	五
北洋公牘類纂卷一	……………	七一
北洋公牘類纂卷二	……………	一二七
北洋公牘類纂卷三	……………	一八五
北洋公牘類纂卷四	……………	二七五
北洋公牘類纂卷五	……………	三七五
北洋公牘類纂卷六	……………	四五三
北洋公牘類纂卷七	……………	四九九
北洋公牘類纂卷八	……………	五五五
北洋公牘類纂卷九	……………	六二五
北洋公牘類纂卷十	……………	七一一

第二册

北洋公牘類纂卷十一	……………	八二三
北洋公牘類纂卷十二	……………	九一九
北洋公牘類纂卷十三	……………	一〇一九
北洋公牘類纂卷十四	……………	一一一九
北洋公牘類纂卷十五	……………	一二九三
北洋公牘類纂卷十六	……………	一二三七
北洋公牘類纂卷十七	……………	一二六九
北洋公牘類纂卷十八	……………	一三〇三
北洋公牘類纂卷十九	……………	一三七七
北洋公牘類纂卷二十	……………	一四七七
北洋公牘類纂卷二十一	……………	一五六七
北洋公牘類纂卷二十二	……………	一六三五
北洋公牘類纂卷二十三	……………	一六七九
北洋公牘類纂卷二十四	……………	一七二五

第二册

第四册

北洋公牘類纂續編卷二十五	一八一九
北洋公牘類纂續編序	一八五九
北洋公牘類纂續編卷一目錄	一八六三
北洋公牘類纂續編卷二	一九二五
北洋公牘類纂續編卷三	二〇二一
北洋公牘類纂續編卷四	二一〇三

第五冊

北洋公牘類纂續編卷五	二二一一
北洋公牘類纂續編卷六	二二九九
北洋公牘類纂續編卷七	二三四九
北洋公牘類纂續編卷八	二三九九
北洋公牘類纂續編卷九	二四九七
北洋公牘類纂續編卷十	二五七一
北洋公牘類纂續編卷十一	二六六三

第六冊

北洋公牘類纂續編卷十二	二七三九
北洋公牘類纂續編卷十三	二七九九

第七冊

北洋公牘類纂續編卷十四	二八三七
北洋公牘類纂續編卷十五	二九一七
北洋公牘類纂續編卷十六	三〇二七
北洋公牘類纂續編卷十七	三〇六五
北洋公牘類纂續編卷十八	三一二九
北洋公牘類纂續編卷十九	三二三三
北洋公牘類纂續編卷二十	三三三七
北洋公牘類纂續編卷二十一	三四三七
北洋公牘類纂續編卷二十二	三五五五
北洋公牘類纂續編卷二十三	三六一七
北洋公牘類纂續編卷二十四	三六七五

北洋公牘類續編卷十九

礦務二

正定府李守映庚詳商人吳景程稟請土法開辦井陘縣屬黃家溝煤礦文並批

爲詳請事案據商人吳景程稟稱竊商人於光緒三十三年十月內在井陘縣屬黃家溝地方用土法開辦煙煤礦產未經見煤卽爲水阻旋成旋廢賠累頗鉅乃於本年二月間安設吸水機器五月內始行見煤煤質尙佳脈厚約二丈有餘現經辦成用機器抽水用人力起煤逐漸擴充不難日有起色所招股本及司事人等均係本地公正紳民並無洋商洋股所有辦法悉遵 奏定礦務正附新章辦理勘定礦地南北兩段坐落井陘縣城西南二段南界雪花山界鐵路界樁外面積一百七十四萬七千三百六十三平方尺北段北界大連河南界鐵路界樁外面積三百三十四萬零二百零七平方尺兩段面積共五百零八萬七千五百七十平方尺計地八百四十七畝九分有零合五十六礦界五分有零並不逾礦務正章第二十九及第三十兩款限定之數茲擬定礦名曰正豐謹繪礦地畧圖附呈鈞覽擬卽於界內添購機器推廣辦理倘得餘利一切稅捐均照章繳納懇乞恩施俯准轉詳 督憲咨部立案照章發給開礦執照俾有依據並請示限制自商人稟准後礦界以內他人不得再行開採俾免爭端所有開採井陘縣煤礦懇請轉詳咨部立案發照各緣由理合具稟恭候批示祇遵附呈礦地畧圖一張等情據此卑府隨

卽遵委勸農員候補典史王澤深飭令查明稟內各節並將礦地有無輾轉出水有無妨礙一併確查具覆去後茲據該典史查明礦地係屬租定民山其出水亦於民田無礙餘均無異等情稟覆到府伏查該商人係於三十二年沿井陘舊俗領縣照一紙開採屢開屢阻於水嗣於未奉新章以前稟集股分購買機器出水至今年六月煤洞始成水盡而煤見開採仍用土法日出煤二十萬斤該商係現在開礦之商似可無庸稟局查勘補發勸照故照新章稟由卑府查明詳請 大帥咨 部憲查考而新章第七款內開自本章頒行之日期儘二一年內一律辦清一切遵照本次定章辦理應自卑府出詳之日起所有礦界年租出井稅及公家應得之紅利請按新章完納惟查第三十三款所開凡稟請開礦執照者取具殷實行號保單銀一萬兩係擔承領照人遵守照內及礦章各款違者罰令充公細繹章程係指新開礦者而言若現已開礦之商未知應否呈送保單應請 咨商 部憲如必須有行號銀單亦請於照內註明限令二一年之內補送保單於章程亦無違背緣該商股本一萬六千兩所折閱已至萬金甫經得利現正自造出煤機內益形拮据略一舒徐實力自裕培養商力想 部憲必與 大帥同情也所有請發礦照緣由擬合具文取具董事人履歷一扣華豐公司保狀一紙同送到地圖詳請 大帥查核俯賜咨請 部憲給照開採實爲公便至領照公費如蒙 允准應由該商赴部自行交納合併聲明爲此備由具冊伏乞 照詳施行

督憲楊 批據詳並圖說均悉候飭礦政調查局查照新章核議具覆飭遵履歷保狀存此繳

礦政調查局詳覆商人擬在井陘縣屬黃家溝開礦情形文並批

爲詳報事奉 憲台札開據正定府詳稱商人吳景程擬在井陘縣屬黃家溝地方開採煤礦業已於本年六月出煤似無庸稟局勘查發給勘照請咨部發給開礦執照所有照章應呈行號擔保銀兩應請限令二年之內再行補送等情札局查照新章核議具覆計抄單並圖說一紙仍繳等因奉此並據該商亦以前情具稟到局查吳景程所開煤礦係在井陘縣境緊接鐵路界樁與井陘礦務局合同京漢正太鐵路局有無妨碍以及與正太路局礦地是否毗連據稱現用機器開採而核之正定府李守稟內該商僅有股本銀一萬六千兩已折閱萬金是否足敷開礦之用必須勘查明晰按照新章及縣境各項路礦奏定案據劃清界限妥核酌辦以免日後糾葛除移委礦局顧問官鄺道前往詳勘見復另文詳報外所有此案現辦情形理合具文詳報 憲台俯賜查核批示實爲公便

督憲楊 批據詳已悉繳

提督銜漢納根稟請批駁井陘黃家溝煤窰稟件以保井陘礦權文並批

敬稟者竊查直隸礦務總局與井陘有限公司合辦井陘礦務所訂合同之第一款內所載礦務總局經理直隸之井陘礦務即爲該處礦主所議章程彼此均應遵守又查第十一款內載明在此合同未經作

廢及停辦以前如未經井陘公司認可礦務總局應允不以井陘礦事另與他人訂立合同等因照此凡井陘礦務統係井陘礦務總局管轄如未經礦務總局與公司允應他人不得擅行開礦提督現閱八月二十七日官報所登商人吳景程業在井陘黃家溝已用土法開挖煤窰名曰正豐窰並現欲購用機器開採擴充大辦招股設定公司等因查該土窰未經稟明總局與公司商允擅自開挖實屬與合同章程不符夫井陘公司與國家合辦井陘礦務訂立合同內載前引之兩款實係與國家有益之處甚多因此提督極欲報効方始應允畫押倘讓他人任意在井陘擅用機器開礦聽其售煤井陘礦局必被其害實與國家無益而有損利益盡棄提督爲辦理此礦費盡心機十載於茲二十八年曾奉到路礦總局札飭試探井陘礦務有案今越七年又與升任前督憲袁磋商合同在案計歷六年之久現甫將井陘礦務之合同訂定實係心願報効國家故擔保將來極大擴充之地步實成均在提督一人豈能令他人擅用機器開礦並設立小公司與井陘礦務糾亂致壞國家大事提督爲此關係甚重惟有具稟懇求大帥鑒核俯准將該商吳景程擅開之正豐窰稟請咨部之稟件懇乞批駁以保井陘礦權而免轉轄實爲公便伏乞批示祇遵

督憲楊批據稟已悉吳景程請辦井陘黃家溝煤礦現經礦政調查局覆稱井陘礦務總局前與該公司所訂合同並無井陘境內不准他人開採明文惟查該合同第十一條所載似應與該公司商辦業

已批飭該局卽日知會井陘礦務總局妥核詳覆飭遵矣繳

督憲楊准外務部咨覆井陘縣煤礦改歸官辦應准照辦札飭礦政調查局查照文

爲札飭事光緒三十四年五月二十日准 外務部咨本年五月十二日接准來咨以井陘縣橫西村等處煤礦由現任津海關蔡道紹基等與德商漢納根另訂合同十七條於華民生計中國主權地方治理均無侵損與新章亦不相背覆核所訂各條參照臨城辦法均尙周妥附送洋文連同礦圖咨請核覆等因查井陘縣煤礦自光緒二十五年德員漢納根與張文生張鳳起訂立合同卽由德使照請總署核准嗣經本部於二十八年四月查核原訂草合同與定章尙無違碍照案核准分咨北洋大臣暨經辦路礦張大臣各在案惟糾葛多年迄未就緒現既參照臨城煤礦成案改歸官局收回合辦詳核所議合同大致均與臨城煤礦合同相仿自可照此定議仍應由貴大臣奏明辦理以符成案除咨行農工商部查照外相應咨覆貴大臣查照辦理可也等因到本署大臣准此除分行外合行札飭札到該局即便查照此札

蔡道紹基李道德順詳與漢納根訂定合辦井陘礦務合同應否奏明立案文並批

爲詳送事竊查德人漢納根文生張鳳起等稟辦之井陘煤礦前奉 升憲袁諭改歸中國借款合辦飭與津海關道商定合同現署外務部右侍郎梁前在職關任內奉 升憲袁札飭妥速核定合同具覆卽

經梁升道會同總勘礦師鄺道迭與漢納根商訂合同一以臨城煤礦爲標準往來商辦兩年有餘擬有合同十八條較之臨城借款辦法更臻縝密利權所在挽回甚多惟以事涉糾紛磋商不易雖大綱已經定議而細目尙待妥商以致迄未定案梁升道旋即奉 旨出使美國繼任梁道到任未久奉調滬關

先後卸篆職道到任接准移交卽奉 憲台札委職道紹基爲該礦督辦職道德順爲總辦飭令將該處煤礦所議華洋合辦合同妥慎籌商稟辦等因遵經職道等就原議合同按款詳核本梁侍郎原議之宗旨遵我 憲台指授之機宜與漢納根逐細商榷於第十一十二兩款就原文之義量爲引伸第四款原議官牘商賬可用華文或英文書寫現定均用華文第八款酌予刪除該德員承認遵守共訂爲十七條業經呈請 憲台核定飭繕校對無訛會同簽字呈蓋關防竊維此事輾轉有年幸蒙 訓示周詳得以

及時就範惟此礦開辦在現奉新章以前與臨城煤礦辦法於舊約後接議新約情事亦復相同自不能概以新章相繩卽按之新章第八款本有關係洋商酌予通融之條復核此項合同於華民生計中國主權地方治理三者均無妨損而礦權又仍自我操與新章亦尙不相背第臨城礦事係經 奏明立案此次井陘礦事應否查照辦理之處除將合同分別存送外理合將合同一份具文詳送 憲台鑒核訓示並乞分咨 外務部農工商部查照實爲公便爲此備由具詳伏乞 照詳施行須至冊者

督憲楊 批據詳各節候先抄錄合同連同洋文圖件咨請 外務部農工商部核覆飭遵並仰先將與

該德員議訂合辦井陘礦務分別移行礦政調查局暨井陘縣知照繳合同存

礦政調查局等詳核議井陘礦局礦名更正請示文並批

爲詳覆事本年五月二十三日奉 憲台札據井陘縣涂令具詳以井陘礦務局井陘二字包括太廣擬請改爲橫西村礦務局且匾額又泐井陘礦務巡警局似可改爲橫西村礦務巡警局名實較爲相符惟該礦開辦數年所有礦界標識迄今尙未劃定倘因此而起交涉後患將不堪設想請轉詳劃定更正等情行令津海關道礦政調查局妥議具覆等因奉此職道會同職局遵查井陘縣橫西村煤礦本由文生張鳳起與漢納根合資辦理嗣奉 前升憲袁札飭歸官借款華洋合辦限年收回此本萬不得已辦法蓋礦權既不能不爭而邦交又不能不顧是以將洋員漢納根已投之資作爲借款俟得餘利逐年歸還借款一清此礦卽爲我有借款合同歷經升任關道唐升道梁升道再四磋商按照開平成規參以臨城辦法始得訂定合同奏明立案查合同內稱職道紹基李道德順爲井陘礦務總局督辦總辦德員漢納根爲井陘公司總辦其第一條載明礦務總局經理井陘礦務卽爲該處礦主等語又合同後尾載明每份合同附圖一紙檢核圖內該礦界綫四至分明職道等細繹合同語意是井陘礦務總局乃得爲該處管業之礦主井陘礦務公司僅得爲該處合資之股東而不得爲該處礦主其意至爲顯明井陘公司所享合同權利在圖內所劃礦界綫內三十方里之中所享礦章權利在圖內所劃礦界綫外六百官尺以

北洋官報兼印刷局校印

北洋官報兼印刷局校印

內此外他人開採各礦公司本不得干預阻撓惟現因 郵傳部在於井陘界內價購礦地甚多且在井陘局礦界內夾雜不清事極糾葛是以橫西村礦界一時未能劃定商人稟辦各礦不得不暫停核辦以待清釐此井陘礦務現辦之實在情形也茲奉前因職道紹基筠孫公同酌議井陘礦務合同係經奏定且礦界圖繪分明當不致有後患若如來稟所言必將名稱更正於該礦利權並無出入似可毋庸置議其礦務巡警本係遵照部章而設為合同所未載該職員等擬請飭令改為橫西村礦務巡警局自屬可行且井陘縣境職局已另派專員辦理全境礦務原為劃清界限保守利權起見自當隨時督飭縣委按章程合同辦事以期名實之相符而免事權之旁落至井陘礦局礦界現有 郵傳部礦地糾牽勢難即行劃定惟無論如何移易總不能出原定三十方里之範圍似亦無後患之可慮在該職等關懷梓誼自不得不深抱杞憂公益熱心合詞請命其情自屬可嘉擬懇 憲恩飭下井陘礦務總局迅將礦區所設礦務巡警局標明橫西村字樣並將界限聲明一面並乞咨明 郵傳部迅派妥員來直會同將該縣礦地勘明分清界限以便劃定其界更正其名下孚輿望即以上重 國權裨益實匪淺鮮所有遵飭核議緣由是否有當理合具文詳覆 憲台查核批示祇遵實為公便為此備由具詳伏乞 照詳施行須至册者

署督憲那 批此案現經該道等核議井陘礦務局原有合同礦圖界址分明當不致有後患更正名稱

暫毋庸議其礦區所設礦務巡警局擬將礦界聲明標明橫西村字樣應准照辦候飭該局遵照該局有與 郵傳部所購礦地應行劃界之處並候咨請派員來直會同勘定以清界限仰仍轉飭該縣知照繳

津海關道詳井陘礦務局擬添股本請派員坐辦文並批

爲詳請事宜統元年十二月二十九日准井陘礦務局函稱查井陘礦務合同第六款載明將來股本如不敷用須添股本或由直隸井陘礦務總局與井陘公司各備一半以昭公允或由井陘礦務局借款均須與華洋兩總辦妥商辦理等因是增添股本或借用款項當訂立合同時早已意計及此現查原股共五十萬而中國之二十五萬并非現銀合同成立時有限公司之二十萬兩業已用盡綜計一年以來展築運煤枝路二十餘里大橋一座增添新井機器及庫房材料等除將有限公司成本五萬添入及盈餘七萬墊入外又在銀行用過十三萬餘兩亟應援照合同第六款加添股本以清舊欠而期發達爲此敕華洋總辦等妥商擬從宣統二年起添招股本銀二十五萬兩一半由有限公司承認仍分一半由華總辦名下招集十二萬五千兩合之老股共作全礦股本七十五萬兩至合同第八第九款之第十五五年應還井陘公司洋股之期應改爲原有股本銀三十七萬五千兩以昭核實而免轉轄此外如有來往借款等項統限於立合同十五年內由井陘礦務局自行清還十五年後與中國政府毫無干涉悉照合同第

十款辦理查臨城添本亦蒙准行有案井陘事同一律載在合同相應函請貴督辦查照轉詳北洋大臣察核立案實爲公便附送預計用款清摺一扣等因准此查合同第六款固有准其添款之條但該礦究竟何項工程需添款項事前并未商明按照合同應設之華總礦師至今尚未派定平時工料款項既屬漫無稽考驟請添招股本值此諮議局成立之時度支部集權之始必須出以詳慎查臨城添借款項係由前 憲台札飭礦政調查局派委道府大員前往復查方蒙批准井陘事亦相同應否照案飭下礦政調查局遴委熟諳礦政人員馳往調查詳覆再定准駁之處職道未敢擅專理合照錄清摺具文詳請 憲台查核批示祇遵實爲公便

督憲陳 批詳摺均悉仰卽會同礦政調查局遴派熟悉礦務人員前往認真詳細查明具覆察奪飭遵繳

督憲陳據井陘礦務局稟繳價領回郵傳部礦地暨附稟稅釐存款請示辦法札飭津海關道礦政調查局遵照文

爲札飭事據總辦井陘礦務局洪道稟稱案查郵傳部前在井陘縣購買礦地允歸職局收併一案職道曾將赴部繳價領地情形面稟憲台在案茲職道已於正月二十五日在職局應解第一年份稅釐項下提洋二萬元具稟繳部本年二月初七日奉 郵傳部批開現據該局稟繳井陘礦地價洋二萬元憑票

一紙業已驗收所有本部購買礦地契券計共五十二張現經如數檢出轉發總局收領以憑管業至該地畝每年應輸錢糧數目候查案咨明直督札縣過割歸戶輸納仰即遵照此繳契併發等因奉此職局業將契券五十二張照數領回存儲管業除將該地畝數另行過戶造冊呈報外理合將職局繳價領地日期呈報憲台察核並請咨明 農工商部 外務部查照暨飭行津海關道礦政調查局並井陘縣遵照立案實爲公便又據附稟稱竊職局自光緒三十四年七月初五日奉 旨中德合辦之日起至

宣統元年六月十五日止西歷一千九百零八年八月初一日起至一千九百零九年七月底止是爲合辦之第一年份全年出煤十一萬五千二百三十六噸五成五分每噸應解報効費銀五分共計銀五千七百六十一兩八錢二分七釐五毫除去自用煤五萬零一百八十五噸一成二分實售出煤六萬五千零五十一噸四成三分每噸應解釐金錢八十四文共計錢五千四百六十四千三百二十文以五一三五合銀計共二千八百零五兩二錢三分又稅銀一項除津關已完四百五十五噸外計應解六萬四千五百九十六噸四成三分每噸銀一錢二分五釐應解銀八千零七十四兩五錢五分總計庫平銀一萬六千六百四十一兩六錢一分申折行平銀一萬七千零七錢二分四釐除已付許委員銀一千七百三十六兩外實應解銀一萬五千三百三十兩四錢茲於正月二十五日解 郵傳部地價銀一萬四千兩合洋二萬元實存第一年份稅釐銀一千三百三十六兩四錢此項銀兩應解何處抑或可照職局前稟

留作此次添股項下撥用之處統乞憲台批示祇遵各等情到本大臣據此除批據稟繳價領回 郵傳部前在井陘縣所購礦地並聲明領地價銀在該局應解第一年份稅釐項下撥交應准照辦候咨 外務部 農工商部查照並行津海關道礦政調查局井陘縣遵照立案所有此次領回地契各件應由該道移交督辦井陘礦務總局津海關道查收其在合同圖界以內之地准由該局備價請領領地以後應輸錢糧卽由該局照納其在合同圖界以外之地作爲井陘礦務總局產業應輸錢糧由該總局照納以符原議至附稟所開報効稅釐各項數目是否符合候飭津海關道礦政調查局查核其實存之款應准暫存該局俟吳道仰會到礦查明應否添股再行批示解交何處仰卽遵照繳並咨 外務部 農工商部外合行札飭札到卽便遵照辦理

井陘礦務局李道德順漢提督納根稟擬開通河道以便運路文並批

敬稟者竊查井陘礦煤已由正太京漢兩鐵路運售惟兩路軌道寬窄懸殊過遞之間不能啣接以致該礦運煤由正太路至石家庄時必須改換貨車方克前進不但裝卸周折而煤斤受損整塊半成碎末利益之虧耗甚多且井陘僻在西隅附近地方銷煤微末保定雖可稍售究不若京津之多欲運京津必經該兩鐵路其運費異常昂貴則煤價勢必加增與唐山等處相衡每以價貴而銷售減少是銷場之不廣皆由運路之迂長職等固熟思之而久欲改良者也祇以磋商訂合同耽延時日現在已奉 奏准合同訂

定礦中出煤日見增多亟宜妥籌運途力求便捷以節運費而冀暢銷查銷煤最鉅之區向推直東御河流域該處河道衆流匯歸其上游以淶沱子牙等河爲樞紐淶沱發源於山西匯井陘平山縣境諸河以入子牙而達御河是以御河一帶水埠林立船隻通行商賈雲集從前畿輔水道修通東西上下游帆檣直達自歷年決口東塌西漲河身淤高橫流散漫好地固被沙壓而昔年故道一經淤墊亦無從辨別以致節節淤塞船隻難行不獨津埠受其影響凡西路各貨有須藉水路轉運者因水道阻礙多致滯銷卽東路一帶亦有多貨無法由鐵路裝運受害之鉅難以詳陳因思井陘密邇平山誠由平山縣境淶沱河起入子牙河至天津之御河止分段興修一律疏濬庶井陘之煤可以直達津埠推廣銷場免由正太京漢兩鐵路經行輒受裝卸周折運費太昂之累且西路東路各貨亦可藉之轉輸水利之興莫大於是爲此將以上各河應修之工程業已查勘清晰謹擬大畧辦法具稟懇求 大帥鑒核俯賜批准所有修理井陘礦煤之運路自上游平山縣境之淶沱河起入子牙河至下游之天津御河止約計華里八百餘里並需費大概數目理合繪圖繕摺附稟恭呈 鈞鑒是否有當伏乞 迅賜批示祇遵實爲公便

督憲楊 批據稟並圖摺均悉該礦出煤日漸暢旺現擬將自該礦逼近平山縣境淶沱河起入子牙河以至天津御河止一帶河身全行疏濬以期運路銷場兩有裨益所擬辦法於沿途水利有無窒礙修費究需若干能否照辦候委派李守映庚前往逐一詳細確切查明核議具復再行飭遵繳